



山陽遺稿 詩

二

和
1390
7

早稻田大學附屬
圖書圖
寄第一
漢詩文
第 46 號
第 卷
此書館不外許帶出



和 16
1390
7

山陽遺稿卷之四

己丑

元日

去年殘燭影微微今歲朝陽來到遲
四十九年非與是依違宿醉未醒時

題畫

春寒臥我廬看此春山圖欲題新句去
研凍不容書

細川賴之

養成弱主身宮成拔得強臣眼裏丁
旗幟精明君莫怪清



風禪榻喚翁醒。

十一日夜飲于後藤氏歸途所見

宮漏沈沈月在空。夾街萬樹玉玲瓏。紫宸朱雀知何處。三十六宮春雪中。

上元送添川仲穎東歸

客程新曆日。文會舊窻櫺。寒在梅華碧。宵深蠟燭紅。離觴上元酒。歸轎半春風。還遇昌平友。能談及此翁。

雲華師來吾書課未了延之別室

爐火通紅湯沸鑪。瓶中梅萼數枝明。付君清福能消受。更向窻間著雪聲。

再與仲穎話別

青燈綠酒自情親。明日行裝趁路塵。游歷當追少年日。文章方遇太平春。意中桑梓程猶遠。望裏芙蓉雪正新。老病尋常重離別。未道天涯如此鄰。

春寒詞

雪裏烏輪凍不飛。紫鳳蹙翼半棲機。春蔥尖尖紅玉屯。不任金鍼縫春衣。碧窻梅華同愁絕。哥窰一瓶曉欲裂。試調眉暈脂水凝。紅霞上臉知何日。

浪華邂逅草場珮川。珮川訪余於備後去今二十年矣。

黃葉斜陽已廿年。軟紅塵裡再駢肩。半生飄蕩成何事。看
我新霜上鬢邊。

○西宮與雲華師會次其韻

驛亭燈火依微影。官道籃輿鴉軋聲。共向鄉園君較遠。幸
然同此十餘程。

途上

埃樹風生日欲曛。驛亭買飯雜沙塵。十年九過山陽道。唯
為家鄉有老親。

播州鶴龜邨店

寒。倚倒影兩三家。一樹山櫻未著花。埃我侍輿東上日。要

看暖雪壓檐牙。

○省鄉五律二首

聞雞辭旅店。裹足度山陽。殘雪二丹白。連峰三備蒼。春寒
麥苗短。日薄爨煙長。心愧平生學。何謀濟歲荒。

求朋方北學。省母又西轅。坐轎累民力。移郵猶國恩。遙雲
迷雪色。初日法霜痕。人語鄉音雜。方欣近故藩。

播備之際懷古

播山備嶺互盤陀。扞賊三郎事可論。不抗君鄉兒鳴口。卻
放船軍過海門。

過廉塾

驛門右折路橫斜。亂柳疎篁舊隱家。鳧鴨不知人已逝。猶隨流水啜梅花。

○尋杏翁三次官廨

巖容攢地脊。水勢赴山陰。吾叔衰遲久。斯鄉瘴癘深。遙攜一尊酒。欲慰七旬心。對醉春燈底。雪明檐外林。

吾嘗獻家叔磁杯攜之南遊誤破更補及歸省齋往

再獻

隨君遊芳野。獻君以酒卮。云是廣東窖。金骨土為肌。恃其墮不碎。攜將上厓屨。輿夫手誤壓。毀損嘻難追。綴補存痕迹。適足記當時。夜酌菟川驛。卯飲藏王祠。尤憶千株店。泛

花傳相持。今來遠省覲。囊齋充歸遺。盈之切思君堅剛性。比

似金質。磁軀殼無少虧。貯神醇不醜。苟無外患虐。不須丹

液醫。保護子姪。責承歡及期頤。

○子晦從弟上計趨國府與偕卽事

雪汁增春漲。雨聲來夜船。逆流篙力竭。上陸炬明牽。同汝舟輿路。思吾鞋鞮年。暗泥行已過。驛酒再陶然。

漢辨亭憶昔

重乘漢辨驛。南舟憶伴吾翁趨。石州垂髻荏苒成。霜鬢三十二年如水流。

○題司馬仲達觀武侯營址圖

死諸葛生仲達吾能料生不料死此語大癡乃小黠卻有
天下奇才目足見英雄心真服壽曰管蕭流甫曰伊呂儔
後儒贊頌雷全耳不若公論出敵讎

○吉田驛感毛利典厩事作

舍舟夜投吉田驛心記江公創業跡猛雨打輿暗箭集河
漲聲聞萬刀戟朝起山河列眉明策杖獨尋公墳塋塋上
老木槁不死隧道深嚴華表峙仰瞻城墟連雲起山開鳥
翼襟河水曹山在背猪山面果信北軍墮計裏援軍孤壘
在其間形勢頗殊舊閱史當時眼已無二家終使十州拱
旗牙河堤西指嚴鳴路想見出師誅豕蛇風濤雷雨助號

令百怪惶惑避義戈請詔復仇真偉舉黃金撐斗擎日車
乃祖酷肖荀文若此公卻類孫討逆大兒如虎小兒龍亦
如江東權與策休比輿櫬入洛陽頗似納籍歸汴梁錢氏
福與趙家長公才什倍武肅王洒掃不廢齋宵在恨無碑
文託雪堂來拜者誰外臣襄家世生長公舊疆少脩私史
諳公事今日墳前始辦香土非行沃民力薄經營四外餘
裕綽勤儉富國無礎塔鼓舞強兵無羸弱玉帶名馬好不
存一生唯有用士樂嗟哉真英雄主不可作

十八日至鄉明日先考忌辰志感

懷鄉來遠道展墓及斯辰不寐埃明發具慶思昔春行篋

齋茗酒薄真助繁。頻喜見新男婦尸。饗秩祭儀

或獲方廣寺瓦用為燈籠索詩

髻髻桐花記阿藤。參差翠縫想觚稜。憐無功德庇孫子。一片殘鱗籠夜燈。

與坂井生小飲

萱堂省病一旬多。芸閣論文半日過。菜甲梅花春幾許。酒光燈影夜如何。通家兩世寧疎闊。舊業三餘要切磋。及子衿青當努力。看吾鬢髮忽皤皤。

侍母東上舟中作

吾行準擬及花開。倩得輕舟破浪來。欲罵春風太慵懶。布

帆終日不離梳

一篷掠過白鷗煙。臥閱青山總可憐。聞得舟人呼飯熟。船

窻推醒阿娘眠

閒傍柁樓傾濁醪。舟人分座且酩酊。遙呼漁叟買紅蠶。活撥鮮鱗不受刀。

嵐山

奉母嵐山第四回。板輿未到已花開。春風畢竟舊相識。雷取殘紅待我來。

粟田戲作似送行諸子

把酒旗亭別送人。禽聲草色太平春。攜妻挈子同從母。非

是流民是逸民、

鈴鹿關

泥帶殘紅兩點斑。全家聯轡度春山。追思十六年前事。衝雪獨過鈴鹿關。

路上

東過鈴鹿路平平。旅服方逢連日晴。滿地春風行不盡。菜花黃雜紫雲英。

河碕舟赴雙鑑浦

春帆不嫌緩舍轡。就江灣暖靄。二河郡斜陽兩勢。山此行從阿母何處不鄉關。到岸投村店。鮮魚醃醉顏。

次拾五上鈴川。銷沈太平業。新歡新主。列於前。黃食。神車。平地生雲氣。參天壘木陰。萬年神在處。兆庶子來心。此水流今古。何人測淺深。姦雄欺裔胄。不遁大陽臨。

雙鑑浦觀出日歌

金烏新浴大東洋。帶濕朱輪未吐芒。參山遠山猶宿霧。海濤漸作赤金光。三万六千中一日來。此始見全日出瞬息。飛升難正視。乃信催吾白鬢髮。今日春盡欲呼觥。傳語羲和且徐行。

還由伊賀路

幾宵投宿軟塵中。路轉山村見古風。迎客小庭新灑掃。當

階一樹映山紅。

上野黑門是寬永中渡邊氏復仇處

伊賀城頭西閤門復讎有跡恍血痕仇人騎馬魚貫過挺
刀一呼褫渠魂奸夫慷慨慊從義脊令原寒同雪冤一水
西渡是嶠原當時投宿館猶存吾來挑燈思往昔想見淬
刃候曉暾嗟哉士風猶使薄夫敦寬永之俗今誰論

○兩伊道中書感

膏腴負海郡形勝要路津支封擅一國嶮扼帶嶙峋高穎
非隋士趙普本周人相時助新主効謀等舊臣殺削藩鎮
力能使桀驚馴陰贊太平業流澤被生民有功當食報享

富豈無因弱末終傷本隋宋勢或均至計久必弊變通要
歸仁九原如可作此意向君陳。

○笠置山觀元弘行在所作歌

巨靈手拔地骨起怪岳萬尺爭層累豎者為櫓橫為墻天
作高城淹天子元弘之元秋八月龍旂憑險事倉卒黠
賊蟻附緣閒道一敗蒙塵更播越普天何人非玉臣誰赴
急難來竭蹶猶賴祖宗在天誘帝心夢賚異材是良弼君
在臣敢死臣在賊滅可指日唯願君心終始一笠山南望
芳埜山再狩之駕不復還君玉唯忘在此危九仞一簣真
可惜吾來慷慨憶當時時認石顛鑿礎基藤公傳勅楠公

疏此處是耶未可知。居民爲我指村墟。爲賊鄉導實由渠。至今猶不通婚嫁。童孺唾罵斥如奴。嗚呼蚩氓猶能辨大義。寄語人間士大夫。

至家乃雨

十日閒遊盡朗晴。薄陰昨作好舟行。一尊今夜軟吾腳。穩臥南窗聽雨聲。

下江同小竹主人及諸子訪半江居士居士新獲明人書七言絕句在壁依其韻同賦是夕雨居士留我宿焉

雨澆簷樹綠扶疎。點滴聲中酒味餘。醉欲眠時人盡去。真

成高枕卽吾廬。

遊泉州與小竹半江二子偕

秧鍼青老麥芒黃滿路薰風衣袂揚。攜得佳朋行且語。天鷄聲裏日方長。

○鹿跳澗是湖水瀉出爲澳之處以鹿跳可渡名焉己丑五月侍輿往觀紀以詩

太湖三萬頃。其水西南傾。五州怕魚鼈。難拒勢建瓴。護之以山壑。厓岸互拄撐。輸寫漸弗猝。譬如酒出罌。有餘乃溢。出湖面無縮。羸脈脈過菟道。混混赴茆渚。長橋虹霓跨。大鰲羽毛輕。誰信尋其口。裁如一溝橫。偉此造物巧。萬古安

群氓近聞有獻策。決開利舟行。湖船可通海。運漕捷路成。
咄哉挈餅智。敢欲鬪巨靈。

日野亞相公辱臨恭賦奉謝時老母來在京寓

不須村巷戒傳呼。小隊來過草閣蕪。劍佩有香來研席。門
庭無地納車徒。闈中寧剪陶姑髮。竹裏方攜嚴武廚。朝退
太遲當卜夜。未辭執燭起鵝臯。

木鷄至

倒屣相迎笑輾然。呼杯欲待夕陽天。借君冰簟借君枕。向
我溪亭姑一眠。

題雪堂書

柳絲雨腳共斜斜。一傘枝撐風力擎。太似鴨兒川畔路。衝
泥昨日訪君家。

題謝安東山攜妓圖

紫翠鉛華兩愜情。自疑起臥繫蒼生。誰知淝水震天鼓。猶
似嬌絃脆竹聲。

重陽侍母飲壁上挂先君畫菊十六年前此日在家
所賜感作

曾將今日省嚴親。爲寫黃花醉墨新。侍母畫前強作醉。此
身非復具慶人。

中秋赴岩碕氏招飲得照字

看月何處好。莫若湖上妙。住京十七秋。佳期遘每少。君家
踞湖堦。迎吾恣臨眺。更許將吾母。欣然行侍轎。憑檻瞰淪
漪。斜陽在遠嶠。月出樓之側。湖面已橫照。要看冰輪全。更
命桂舟漂。洗杯蹙金波。併月酌相醕。一輪行萬頃。天水澹
不搖。紅塵窺玉兔。此興曾遙料。今秋屬大風。怒號發萬竅。
秋禾偃還起。未至騰糴糶。人安我亦安。風月足吟嘯。佳境
承新歡。誰不開口笑。不辭風露露。月傾未返棹。

絕句

京城迎母半年留。月白風清何處遊。待我板輿三十里。借
君湖閣作中秋。

風露霑衣眠未成。小欄干外月空明。湖魚亦識人猶醒。跳
破金波夜有聲。

聞天民五山遇災作此歌弔慰

天憎五山穿天心。月疾天民出月脅。風怒其嘲雲怒晒。花
木蟲魚嗔蝶狎。協謀合圖遣祝融。雲師建旆封姨翼。天民
同災玉池魚。黎藁半燒灰滿牖。最痛五山罹酷禍。未刻稿
本空幾篋。半生呻嚶琢奇語。鉛槧數改防躑躅。何圖天翁
久睥睨。藁焚積聚奪素業。君不見君曹詩已傳。萬口沁萬
脾。何論六丁下搜括。筆底之詩猶可焚。胸中之詩不可劫。
萬累掃空唵身在。裸臥天地眠貽貽。徐起咳唾三千首。清

新更如水出峽題曰己丑災後集精明一變換舊法譬如
曹瞞赤壁歸後養生兵更臨大江耀戈甲

讀南北史小樂府十二首

非是田舍翁草間英雄起一麾蠅拂手生擒數天子
問耕不必奴問織不必婢何以禦佛狸唯恃長江水
飽箭射君臍紗帽被君首作事須及熟莫落他人手
肉中終有血一死知所處寧將一家物推付一家去
得失皆自吾吾知亦分明何倩短脚漢踢我金甌裂
長江雖天塹已付韓擒虎猶有景陽井個中亦樂土
惡人如惡馬蹄齧不足慮獨此賀六渾不受君駕馭

誰教鮮卑兒解遣紹宗來高王定未死悔擲大行臺
渭曲多萑葦誰爭黑獺居如何事潛匿不祭江河魚
生憎盲老公手能翳明月百升陷入地冤血刻不滅
關西有男子不爲降將軍卻降騎虎者操戈剪宇文
獨狐豈誤我奈此天數何縱立見地伐未必異阿摩
送母西歸觀楓箕面坂上大塚二氏爲導
紅楓相映醉慈顏侍得歸輿未直還今歲此游堪壓尾攜
來佳酒看佳山

送母路上短歌

東風迎母來北風送母還來時芳菲路忽爲霜雪寒聞雞

即裏足侍輿足槃跚不言兒足疲唯計母興安獻母一杯
兒亦飲初陽滿店霜已乾五十兒有七十母此福人閒得
應難南去北來人如織誰人如我兒母歡

書感

去年西海道風波駭鯢鯨更聞姦猾民外交輸國情今年
東海道火災半都城元老不憖遺奈何此蒼生恐虞憶寶
永凶饑念天明今秋賴有稔三農喜餘贏吾行徑山陽沿
路方西成甌窶篳已滿汙邪車已盈皴揚糶沙礫晒曝乘
霽晴民心應蘇息物價止踊騰旻天眷祖澤運蹇復扶傾
腐儒饜粗糲莫可歌太平

竹原

出塘盧橘尚依然自別音容已五年猶憶書樓雷老姪笑
談連夜每遲眠

上隴

蕭然旅服始離船來拜墳塋松柏閒飄蕩天涯已衰鬢未
知埋骨向何山

堯佐奉檄將東來別于尾路

衣襟初日換青衿槍號寒風拂綠沈話別江關年欲暮促
程函嶺雪方深後來官跡爲何狀前路交情獨此心剪盡
夜燈論出處曉窻過雁亦哀音

題畫山水

泉懸雲樹閒幽寺在溪處欲往山蹊遙經聲雜水語

韓信過胯圖

委蛇全初年岸異蹶末路如何噲等肩不及屠兒胯

張良受書圖

其意不在書時機教先赴先據函谷關先塞成皋路

舟赴玉嶋維而上問泉藏信宿見送賦謝

漕渠一脈路逶迤攜手長堤步午暉此水還如故人意迎
吾來到送吾歸

舟中有作

回指親庭隔夕暉關心家室卻京畿蓬窻有夢常分背不
似征帆一向飛

回頭

仰頭瞻胄山回頭望兵庫萬帆指華港重城出烟樹迎母
已此路送母亦此路送罷獨東歸吾心乃西悲妻兒待我
朋要我獨奈慈顏乍離違願母長生吾健在迎送此路無
窮期

海陸小詩二十四首

綿衾薄如紙夢覺曉燈青知有先吾發門前過馬鈴
芒鞋半欲穿埃樹生暝色微醉擘霜柑寒風奪酒力

山陽先生詩集卷四
姬路城樓高英雄據此起謀臣曾記名契合如魚水
酒店養龜兔樵橋過去牛兩又聞首路右者走因州
纔過榛州盡黍州路又艱平郊望城樹認得是岡山
途長苦日短數與歸牛遭登登村樹盡太白向人高
土鼎茶方沸茆簷霜始乾病夫艱蓐食十里乃朝餐
山頭盡殘日山脚起爨煙行客怯長堦興夫愁短錢
連車載薏苡傳驛催丁夫舊尹東歸處坐輿皆僕奴
捨號白氍毹知渠毛利氏山陽過十州盡是祖宗地
行人喚渡航沙步連村市曾灌高松城心知此水是
一嶺界封疆瓦光包海氣宿檣森似林涼信有來未

右陸路

枕底聞波聲不知是何處歸鄉夢未續舟子夜相語
船尾動晨爨揭篷風撲面已過柞原城城墻隱復見
有月挂高帆無風搖急櫓篷窻聞犬聲應是來牛浦
幾緡征鞋破一帆艇速船窻指來路遙在連山北
烏檣笠子岡粉壁甕兒舉歸思雖如弦尋朋當一到
唯罵行舟遲不知去國遠應教鄉夢成篷雨孤眠穩
泊舟還不惡溫酒呼漁子棘鬣活欲飛京城寧有此
屋嶋平如屋粟峯雲髻鬢不待舟人指知是讚州山
後帆追未及前帆勢欲騰行至潮門處帆影疊層

山色青糝糊波紋紫破碎殘陽光已收猶在一帆背
家遙斷雁邊船守下碇處鄰有筑前船揚揚峭帆去
卸得帆無恙呼來杯有情穿鞋猶帶醉大地可橫行

左舟路

爲橋元吉重寫耶馬溪山水圖

沒跡紅塵十二年雪泥鴻爪已茫然心裡溪山青未了爲
君展作半縑烟

冬夜強哉至同賦

霜威收水語夜色壓燈花喜汝雙鞋道尋吾獨樹家詩思
老益退酒味寒方加問字無多暇何辭到曉鴉

又

土瓮浮春蟻銅餅插水仙杯盤同靜夜霜雪已殘年詩每
落人後醉誰居我前名場甘獨退望汝著先鞭

送柘君績歸河內

北風吹雁群一雁獨南飛雖得棲宿所奈與朋侶違長思
子孤子童齡向我依父視雖有愧子育且絳幃游息每提
挈風雩又浴沂木國暑隨轎榛城寒執鞵擇師研舊技磨
礪導進機松菊慮荒廢粉榆告言歸田廬先業在未憂寒
興饑多暇親書卷十日九掩扉離群雖睽願同在斯邦畿
郵傳非太僻書信未應稀有才多嫉怨無恆難巫醫忠篤

行蠻貊寧憂州里譏志進而身退吾言當佩韋

君績將歸畫林莊雨霽圖贈之係以詩時己丑臘月

也

墨心黯澹寄離情好在先廬想穆清兩足山田春未及一
林晨影讀書聲

題鶴

蘆荻託棲遲江湖垂羽翼平生萬里心鳧雁渠何識

除日

紛紛帳簿婦當家殘歲真如赴壑蛇不問計餘餘幾許眼
前有酒有梅花

山陽遺稿卷之四 畢

Blank manuscript area with vertical lines.

山陽遺稿卷之五

庚寅

題北條時賴佐桮經世圖二首

雪白煙紅亦偶然
龍身魚服豈虛傳
聰明照徹覆盆底
業鏡高懸三十年

殘粥喂馬雪來時
破竈無薪飯熟遲
梅意松心歲寒節
陽春有脚聖先知

詩佛寄示悼亡詩賦此弔之

遙憐尊酒欲謀誰
腸斷風清月白時
贏得君家詩卷裡
長

畱絕妙悼亡詞

將遊嵐山細香至

將欲看花君恰來相攜。明日即佳期。滿懷喜氣，眠難著起，見春星帶屋垂。

嵐山

白頭仍對萬株紅。又挈匏尊向此中。汗漫不知身已老。閱過二十度春風。

侍輿去歲已殘葩。攜酒今年半發花。誰識醉歌含暗恨。音容一別又天涯。

閏三月六日劉溥卿之子元載來訪白溥卿繼來

禾得故人來。先見故人子。揖進突而弁。溫肅已可喜。撥袖出新文。璀璨拭目視。疎快有父風。寧可搖吾嘴。老泉生瞻由。叔黨更後起。一家出西僻。鍾此天下美。勉旃不墜聲。小成何足恃。驚鈍亦父執。勿笑徒馬齒。呼杯餞汝行。欄前暮山紫。

七日溥卿至

崎陽分手十三年。今日相逢亦瞥然。嚴隊抽身真不易。可能小住共航船。

歸家強哉至

出遊歸來已黃昏。喜得剝啄恰到門。醉伴已散更得君呼

妻更爲溫餘尊今日尋花花盡落家有一餅插殘萼

雨窗與細香話別

離堂短燭且畱歡歸路新泥當待乾隔岸峰巒雲纔斂鄰
樓絲肉夜將闌今春有閩客猶滯宿雨無情花已殘此去
濃州非遠道老來轉覺數逢難

送觀牛師東行

京國花稀綠樹稠薰風飛錫又東遊道人非是思歸客聞
盡杜鵑出信州

聞杏翁休官贈以磁杯頗大者

報國心長短髮凋抽身宦海自今朝猶餘磊砢滿胸赤把

個淡杯時一澆

貽星岳梅子

黃梅墜地不酸牙拾寄書窻看奈何花下曾謀卜鄰計因
循己是半年過

詠史絕句十五首

絕海窮兵難結局掀天大戰有餘威戈頭已拭雞林血枉
向蜻洲再一揮

橫槊英風獨此公肉生髀裏斂軍鋒中原若未收雲雨河
北渾歸獨眼龍

北門鎖鑰本同儔六尺嬰孩任大憂保奭不持分陝柄燕

封卻自冠羣族
分樹國最稱強何料東風降幟颺猶得開門爲節度當
初一劍有餘光
會捐大鎮壓羣雄自壞長城誰誤公當日花根占豐土休
將作惡罵春風
郎君握手語嘔嘔憎殺家奴坐在輿卻爲渠僮供敵餌惜
君一死意何如
碧蹄館下羽書馳敵勢如潮獨力支萬死兵機立談決誰
論華押字成遲
馬鏡濺血踢奴肩含垢回鑣尚憤然誰料玉冰終釋憾千

春共戴太平天
過江誰怪楚鋒鉅仕將會知黥布堪項斃歸劉非負項兒
孫長得有淮南
隔離兒女死生關際會風雲向背閒一條笠繫八行字傳
得海南千里
一擲乾坤孤注難誰知老手咲傍看臣門如市心如冰此
脚寧堪跨馬鞍
當日使鷹資搏擊它年縛虎禁騰奔檻車彭越免道醢未
是漢家真少恩
枉止兒啼喚夜叉威靈無補子孫家誰言長物唯長鬣壓

海高城畫足蛇

鷹師革面即元臣運策帷中獨絕倫羅網故縱狡兔活孰為功狗孰功人

曾參飛鷁翱翔處早附冥鵬羽翼閒強幹弱枝謀數獻自家卻在一枝班

庚寅六月省母氏病西下會赤關廣江生來未數日而別

十七年間君再來君來吾往每參差平生魚雁無稀闊卻向天涯作別離

姬路投馬場元華

行滕連日躅炎沙到得君家如到家呼僕灌泉呼婢浴臥看涼月在簷牙

○自室津舟行

沙鷗猶戀舊江灣廿歲榛洋數往還幾處粉墻三備地半空黛色四州山客愁帆影櫓聲裏鄉夢鴉啼月落閒早廻短蓬維故岸相迎一咲粲慈顏

望五劍山有懷故柴栗山先生

南望讚岐州遙指五劍山山峰如列劍峭立衆嶺端正襟遙拜之非山思其人柴公吾父執實產出其間應運振頰俗天意秀氣攢吾少瞻其貌有似此孱顏雖非甚魁梧自

拔羣賢班談論挺鋒鏑文辭耀不寒顧吾謂可教朽木庶
雕刻當時貪嬉樂悔不屢往還前輩日已遠從誰鞭駑頑
典刑今安在山容獨嶺岼

舟中短歌

聞下碇愁拔碇喜數問朝來行幾里平生上舟卽仰眠此
行噴嗒何乃爾母病在蓐兒在船船行如卻意獨前浮烟
落日帆欹處遙指藝州阿那邊

○舍舟上陸過兒陽有懷備後三郎

買舟室津口風潮違我卜三泊及備前決計終上陸備海
所彎入地勢南屈曲隔水認熊山蒼翠層又復憶昔三郎

氏勤王舉其族一唱奪興謀兩建防賊策句踐無克終范
蠡志數踣昨過彌陀驛乃父事在目家世傳忠義寧讓楠
與菊盾鼻墨可磨當時唯君獨備國三換主芳臭形榮辱
忠孝無古今才學夙尸祝經過桑梓地何邊認舊宅欲起
英魂問平生何所讀

君達從至笠岡其鄉也使之留而余獨西

省母歸心吾直往逢兄情話汝須留終然一片相扶意隨
我依依到藝州

至竹原與秉甫同舟赴廣鳴

來路遙遙指海曠心期明日見慈尊朝煙漸散波如織柔

櫓搖過貓子門

○舟過暗門志喜示同舟秉甫從弟

吾數過暗門。此行審其形。瀨山抱海陸。曲為藝東屏。誰鑿斷其尾。昔守姓曰平。當日排山力。斧鉞驅萬丁。至今賴其利。船運通捷程。有事守喉咽。可挽敵船行。嬴政絕地脈。漢唐滅戍兵。楊廣穿汴水。漕粟資宋明。暴人自費力。如為後代成。壯哉父母國。便安誰得爭。省親數由此。潮應如瓶傾。鄉扮已在眼。作詩紀我情。

杏文人招飲

聞君賜宅傍川成。呼我開尊遣艇迎。數畝菜蔬如在野。一

堤篁竹自連城。退休猶享傳家祿。著作還伸報國情。小阮省親新弛擔。不辭侍飲剪燈明。

與丈人同舟維于譙下小飲

翠楊根露繫。艣艣佐酒青梅與紫蘇。對酌一瓢人不識。波紋細細上眉鬚。

源廷尉收弓波上圖

弓力誰嘲札不穿。南軍落毅膽先寒。閒收偃月波閒影。挂向身邊萬衆看。

聞京師地震賦此遣悶

郵便得京報。變故昔未有。今月初二日。地震申至丑。繼聞

七晝夜連撼地欲剖。顛天沸啼哭。十室壞八九。提家席通
衢。屋瓦墜左右。吾家無隻字。東望十搔首。遙想鳴厓屋。擗
子依弱婦。相牽避沙中。又怕無居守。石岸應盡頽。唯餘露
根柢。灘溪沙渚遠。不知能逃走。大兒能厲揭。小兒付婢負。
覆巢得全卵。拮据瘠其母。虛任一家憂。向汝覺顏厚。爲書
付急遞。待報旬餘久。存沒未可知。茫茫曷向扣。災侵被黔
黎。豈可論誰某。側聞北闕事。如星入南斗。垂拱萬不與。謹
怒一還受。螻螻敢訴患。具瞻可額手。坂城及餘震。江門定
安否。糴價當暴騰。嗚嗚億萬口。吾聞天明災。三都相先後。
信岳震且崩。饑民起相蹂。天數有周復。下土誰任咎。仰看

雲北奔。海雨龍吟吼。耿耿和人心。長歌強拊缶。

題畫孔雀

自顧鱗鱗金翠衣。故來猶帶舊恩輝。文章圖報豈無所。祗
合海雲淡處飛。

發廣鳴

兒送自厓返。爺舟猶未發。返至橋頭望。舟燈應明滅。

翌曉作

別母猶夢母。分明侍膝前。醒來知那處。蓬底獨爲眠。

東上道中獲疾作此遣悶

往時衝暑氣。三旬患瘟疫。還時侵秋冷。病痢忽復劇。念親

又念家。奔走窮晨夕。母親雖就安。妻兒還遇厄。誰向九回腸。更刺萬枝戟。中迫勢惶急。邊警頻傳檄。出難無下意。大軍臨隘院。已無僮奴扶。寧有醫藥獲。十里九停轎。臥背不帖席。每被驛丁罵。時遭店媪毆。孤身况衰老。艱苦備嘗歷。溝壑士所期。境地有順逆。患難大如山。處之要安適。區區曷足言。何必屢頓蹙。堅坐剔寒燈。殘光猶盈尺。

到家

震後歸京城。伏水變泊所。收綈上淀橋。僦輿徑鳥羽。道路裂有痕。緣旋賴明炬。炬光中窺看。人家壞未補。墜瓦堆成邱。傾壁纔撐柱。街陌整如故。到家方四鼓。屋矮敗不甚。依

然瞻衡宇。家中防盜賊。聞語慳開戶。山妻面帶瘦。呼兒起拜父。力疾奔千里。尚爲欲見汝。遇震時何如。將荅色先沮。婢僕進攬說。挑燈談無序。墻屋粗復舊。米薪憂萬緒。置是且溫酒。生存喜幾許。

憶母二首

既見妻兒面。回頭憶阿孃。阿孃難可見。江海頓茫茫。秋風吹吾冷。還吹木葉飛。吹到故園樹。莫侵慈母衣。

到家後書適

炎沙沒脚兩鞋穿。困眼唯依笠影圓。回首行程如隔世。木樨香裏擁衾眠。

山陰先生遺稿卷五
憶昨盆蘭孕玉芽。香苞未拆已離家。渠儂亦恨無人賞。待我歸來重著花。

新歸飲酒

吾家皆無恙。吾柳亦依然。吾蘭華再發。吾桂香未殘。相共待吾歸。何以賀平安。呼婦開吾酒。久藏無點酸。醉盼柳蘭桂。欣欣竝怡顏。

觀藏畫示在壑廣江大聲

明盛茂燁字興華石湖暮色圖

曾弄興華暮色圖。老練暈墨苦模糊。今朝挂得晴窗側。呼汝雲烟評有無。

盆蘭含露吐芳腴。壁畫映明看淥濡。一日晴窗清福足。當

分軟半與君俱。

題竹洞春琴與余合作山水

施皴容易設枝難。林有姿容石貌頑。磊魄胸中存粉本。諸君爲樹我爲山。

題竹洞倪法寒林圖

欲擬倪迂果若何。未須折帶作陂陀。知君惜墨如金處。不待傍觀喚亦過。

重陽

日暖霜乾未舉危。大樽磊落到門遲。回頭欲罵東籬菊。汝有何忙放一枝。

丹人約贈酒未至

題蝦夷人圖

懸厓雪採罷熊膽絕海冰又腥膻齊干鳴侏離歸版籍桑
弧鍤戟是鋤犁

古賀溥卿爲其藩侯索吾畫寄以絹一幅書此辭之
磊砢橫胸不自持吐爲狂墨滂淋漓此心應有故人識敢
向侯門喚畫師

曾謝橫經弄翰儒寧將餘技待觀娛懷中畫本猶堪獻仿
佛幽風七月圖

題新著通議後七首

傍觀時議添蛇足熟識宦途編虎鬚卻有世情灰不盡著

書猶欲擬潛夫

肉食謀存誰置評自嘲多事老書生一窻風雪妻兒臥奮

筆燈前紙有聲

陳編儘許口縱橫敢趁諸公贊太平未必語言當菽粟且

憑筆墨鬪蛟鯨

藝苑鴻文錯典墳儒林閱議媿河汾吾無周禮橫胸裡直

據肝腸寫示君

敬輿駢體含流動和仲分篇見貫穿跋鼈自知千里隔學

文亦似上青天

洪流日夜淺成溪未缺金甌自古今策漢過秦同一意無

人識得貴生心
半生歲月酒中消
落魄耽詩鬢欲凋
小杜唯留二論在
豈無身後李文饒

雲山乞詩

雲叟耳聾心不聾
清音寫得筆端聰
紛紛毀譽如塘沸
不到經營慘澹中

詠大江廣元

朝局久持人後笏
幕中來運食前籌
連雲瑞穗消兵氣
誰料陰分一半秋

喜獲貓

嗷嗷有聲燭則無
一寢十起欲何如
殷勤憑君李狸奴
送致俊物喜有餘
遍體斑文好牙鬚
命名當喚小於菟
必辨我賊隨指呼
已覺群黠絕
睚眦戒兒勿輕狎
玩渠渠能先汝護
爺書

蝦夷錦歌為筑後佐田修平作

紫鳳蹴濤天吳躍
一丈團窠雲五色
織以冰蠶寫海暎
正視則赤側視碧
曰蝦夷錦或曰非
北狄所製互市獲
豈無海賈遞鬻來
親獲夷疆事大奇
南筑有人學於武
裹足更究東北夷
還逢松藩大閱日
縱觀扇旄弧箭隨
旛旗揮毫幕中拜
此賜匹如官袍被
姓李囊攜萬里獻
尊親寧同畫

山陽先生遺稿卷五
旋誇富貴君不見海微無復警風魚投筆誰敢事戎車卻
把翰墨博遠物較其績藻果何如願君成才拔常品經文
緯武兩研審成其可用如布帛不唯可觀如此錦否則能
語夷狄情狀資邊防如此錦盡寫水族怪說無遺藏

與登登菴舊社夜坐

故人難再遇猶見故人徒舉此三杯酒聊同半夕娛天寒
水聲苦夜久燭光孤庭樹知霜重啞啞起宿鳥

詠山中鹿介

存孤杵白何忘趙乞救包胥暫託秦嶽嶽驍名誰喚鹿虎
狼世界見麒麟

詠僧文覺

斬卻袈裟卽佛緣風情法力孰超群羈體在袖施何咒掣
得瓘龍俄起雲

君彝來訪二首

山紫雪亦紫此語君始道君來隔八年恰逢山雪好瓊瑤
含寒日影向杯中倒得不同微醺忍寒側我帽
掃掃畱君宿永夜同燈燭君坐讀我詩我臥眠還覺衰情
猶故吾煩君細評駁瓶中水僊花夜久亦吐萼

除夕君彝來同守歲

當我相思夕知君來宿心孤燈歲共守兩鬢霜同侵鄉土

扮檢遠京城鐘漏淡較存慈母在關意信浮沈

山陽遺稿卷之五 畢

山陽遺稿卷之六

辛卯

獻日野公楮二種

賴襄 子成著

折得檀香凝玉脂自然富貴亦天姿唯嫌不類野人獻故
副村梅花一枝

月瀨梅花之勝耳之久矣今茲糾諸友往觀得六絕
句

東風料峭雨絲斜泥滿芒鞋一路賒誰引老夫來喫苦直
將戟手罵梅花

山陽先生遺稿卷六
梅花於我底因緣屋已與渠棲半分泐水船岡看未足更
穿山跡萬重雲
傍水環村幾簇棹高低相映盡花開吾穿此雪肌何粟出
雪翻然入雪來
兩山相蹙一溪明路斷游人呼渡行水與梅花爭隙地倒
涵萬玉影斜橫
萬樹梅圍溪水長芳山寧敢擅春芳東風一樣晴雲白孰
與此中雲有香
帶將清氣卻歸家在眼溪山玉絕瓊非靚和州香世界此
生何可說梅花

訪雪堂老人幽居

依稀春月在梅花影壓柴門橫且斜喜得幽人未眠去風
聲定處認琵琶

夜過信侯信侯爲我演平語壇浦一齣

茫茫鯨海葬纓簪到耳琵琶意淺淡赤馬紫溟曾歷處四
絃喚起十年心

看花知恩院適逢君夷來

花看意中花友逢意外友休言是意外吾心待汝久曾違
尋芳約半春罵滿口能來及此時一笑同我酒不愁看核
乏有容辨旨有日落花逾明怯聞華鯨吼燈火亂月明蹋

街相先後嵐峽更有花再遊當攜手

同君夷再遊嵐峽

嵐山不必賞一遊已云多問吾何再往如吾友來何又蹋
昨由路攜手卅里多呼杯解倦疲得句借礮磨半山成嫩
綠幾樹尚殘葩此花可歲看此友寧錯過

又

吹老東風又放晴欲遊嵐峽再離城有花固可無花可唯
喜與君攜手行

仁和寺看櫻花

脫屣當年意正淡仁和仰認舊花林白櫻爛熳不成子喜

負東風培植心

送君夷赴浪華

一支港水塵容刀野菜香中撐短篙昨共看花知那處半
山斜照塔梢高

讀王荆公傳

翰著韓王記魯論半生誤讀偽周官中書十歲曾騎虎何
若鍾山驢背安
青苗魚肉兩河兵白雪龍衣五國城誰把興衰付天數幸
然洛水杜鵑聲

喜協至

風吹號帶指江門要汝夷庚共一尊于役棲遲異勞逸天涯相見亦君恩

別協後一日

昨向湖橋分手旋驛程屈指到何邊連晴知汝行無滯掀
起輿窻觀岳蓮

依杏翁韻送協

京畿扶老記童年祗役如今侍講筵旅服單衣迎夏日官
程葦食趁晨煙卅齡成學國恩在兩世授經家法傳公退
預知多暇日閉門邸舍讀夷堅

金閣

狼狽誰料竟生羆想見牙鬚張猛威銀閣何如金閣熱併
容南北日光輝

銀閣

大樹蕭蕭秋帶風無如猿犬各稱雄獨有玲瓏數拳石從
君建置小園中

畫兔

擣藥祗當在廣寒拔毛何事向塵寰幾人因汝結冤業綺
語長留天地閒

原梅坡寄詩卷求評卷尾有茶翁詩依韻書

祗役覲親相背行參差六歲太忙生遲還詩卷君休怪閱

此猶爲聚首情

送雲華師之讚

梅斷雲青八粟峰錫飛波白一帆風遙知維纜松城岸先
問能詩漆谷翁

松

幾年養就老龍鱗淡壑時爲龍一吟免得庸工加刻削萬
層雪底歲寒心

懸厓雙清圖

懸厓無土猶能活苦節有朋堪盍簪唯許仰看何許折世
人何識兩冰心

書懷

鴨水潺湲月在林病來節候忽侵尋蟲聲繞屋知秋及樹
影升階覺夜淡著作無人堪託意家鄉有母每關心茫茫
身世憑誰計悄倚殘燈伴獨吟每一作獨獨吟獨一作永

書徐侯齋集後

父書猶見淚痕斑且寫憂心筆研閒一步出門無淨土尺
縑自寫舊江山

題瀟湘圖

清波掩映萬篔簹浙瀝秋聲遠益長寄跡紅塵寸金地空
從尺幅見瀟湘

蘭

國香徒自惜，知己逢豈易。幽谷風露清，明月光相媚。寧能與蕭艾爭，彼尺寸地。

蘇自中秋元瑞至得蒸

煙消大月出，峰稜恰有吟。朋命瘦藤如此，中秋須有句。檢書不復就紅燈。

實甫至

兩鞋蹋破百峰青，抵階洗脚識君聲。路過大湖獲湖魚，出籃細鱗吾眼明。四年不逢知我老，一咲依然見君好。溫我酒膾君魚朱肪堆盤截紅珠，袖中更出新詩草。佐酒又堪

當漢書

題月峰父子合作山水

庭闈弄墨足承歡，兒作林叢爺作山。要使老毫無蹙滯，故低樹杪受孱顏。

杏堂墨竹倩余補石樗生囑也

佛頭著糞昔曾聞，頑石今換碧玉根。清貌醜姿同墨派，洒將殘瀋為招魂。

辛卯九月十六日西省發程舟下漢水示同行白石士德士德唯一弟畱在京師

汝向天涯別第去，吾將鄉裡省親行。洗杯漢水姑同醉，忘

卻悲歡此際情

到浪華會小竹社淡

人聲燈影浪華磯。吾舍舟時君解維。瞥爾相逢便爲別。閒雲西去鶴南飛。

用承弼韻

秋風客鬢倍霜新。又理行裝出軟塵。鞋襪仍奔千里路。家鄉須省七旬親。山川已厭經陳迹。往反唯娛訪故人。未見慈顏姑小住。不妨談笑酒沾脣。

淡山歌

淡山於我何有情。華城伴送赤石城。城東旗店例爲醉。淡

山對面喚欲嚮。喚山同醉山不答。自此分背終離別。吾時上高一回頭。山猶依依遙相揖。嗟吾此行還幾時。知汝一笑先展眉。廿年京攝多交友。久要似汝果阿誰。

舞妓灣

松翠沙明數戶村。鮮鱗上店佐匏尊。每過一醉終成例。不記泥鴻第幾痕。

途上感懷二首

儻丁每怕妨農收。夾路甌窶正滿篝。敲處忙驅籃輦過。晒時苦戒草鞋蹂。糴騰陸奧古無例。禾穰山陽今有秋。夔緯敢言初減恤。儒餐自此可無憂。

潢池消息首堪搔。西望秋風弄怒濤。廊廟何人勞盱食。度
支有吏析秋毫。誰驅赤子俄離乳。各鬻黃牛競佩刀。瑤沼
原謀樂王母。救饑不肖餉蟠桃。

又

山榴紅玉顆。野菊鬱金香。節物羈心動。晴暄農穰忙。稼雲
連播備。兵氣獨防長。善相思。封事何邊二萬鄉。

過廉塾先生嘗寄余詩。徵次韻。余未果。而先生逝矣。

今而次之。

辨香蕙。帳意何如五歲流。年不暫居垂老未。能酬厚誼微
勞纔得校遺書。在心舊雨絲尊處。回首斜陽黃葉廬。歸省

從今知幾度。抵應沿例駐征車。

到竹原會杏翁在焉同集龍山精舍壁挂乙丑歲諸

老舊題字分爲韻。余得年。

曾記希韞侍酒邊。自知綠鬢亦皤然。傷心諸老今凋落。題

墨依稀廿七年。

希字。史記滑稽傳注。音卷。謂收袖也。離騷注。幃謂之幃囊也。說文亦釋希爲囊。並音

浪跡回頭已廿年。重逢大阮竹林邊。一杯并飲鄉山綠。洗

得紅塵暫洒然。

到廣鳴

鄉粉已在眼。潮退舟膠沙。儻艇趁昏黑。如歸心急何。家江

熟知繫舟渚。暗中豫指近家處。丁寧舟子力搖櫓。欲及阿
孃未眠去。

從竹原航赴廣洲。附載輸稅船。逼促殊甚。終夜不能
寐。賦此遺悶。得十六韻。此詩在蘇州山陰縣
吾行屬秋穫。利涉附租艘。鱗鱗滿艙載。堆疊幾百苞。缺處
擁衾睡。曲身弓在弦。新礮異陳腐。嫩香襲巾裯。身非大倉
鼠。穀裏託窟巢。恨無牙穿此。縱橫恣老饕。唯覺環逼我。壓
頭還蹙尻。自念吾何罪。以穀爲獄牢。五種不分辨。四體廢
勤勞。更吸其精液。淋漓動醅醕。詎知耕耘苦。粒粒積血膏。
合會有所欠。鞭笞期煎熬。治亂繫豐耗。價直候低高。此中

雖跼脊。何敢爲螻螻。常視在瓶缶。酸寒同老陶。億萬玉粒
堆。暫擁足自豪。

謁延元陵詩

卜株萬株花如雪。中有一邱轟翠樾。松邪柏邪錯杉檜。蟠
根互護天龍骨。樵蘇相戒不敢觸。觸則風怒雲攬山欲裂。
可惜威靈尚如此。當時不能殄蛇豕。遊人不知何帝陵。玉
魚光闕落花裡。吾雖螻蟻亦玉臣。曾私帶淚修前史。芻蕘
敢欲慰帝魄。陳詞陵前獨拜跪。維昔天潢弄狡童。天之曆
數在君躬。厲精誓雪列聖恥。此心上可質蒼穹。人神均敵
王所愾。頽日回輪紅再中。大政豈盡乖處置。再造傾厦本

難事。唯使君操心常如元弘初。不憂邦有百足利。顧命按劍語空雄。一杯長埋萬禩志。雖然五十年間萬生靈。為誰膏鋒尸縱橫。臣正成死君在時。心已明。臣義貞。懷君遺詔亦結纓。此輩忠肝纍纍及孫仍。盡為君王死。不與賊共戴天生。天定賊巢亦終覆。死骨饒犬犬不食。天家依舊傳日嗣。自祖宗視無南北。中興偉舉警百世。陰制姦雄不肆毒。噫嘻君王可瞑目。余嘗再謁欲作詩敘私感而未果。今而追作以補缺。昔文執竹山翁嘗作此詩。傳誦士林。茶山翁作芳山歌。語語避雷。同襄也。後生卻不敢避。蓋同處有異。讀者必諒其非勦也。

觀等持院室町氏歷世肖像引

一家將軍十五世。逐世雷像知成例。寺僧猶記大檀那。森

列龕房謹啓閉。吾曾刪史詳乃家。觀影擬證左右契。仁山想具英雄骨。長面緩頤疑庸劣。瞞人正憑癡與黠。狼生豚犬犬生虎。眼垂魚尾豐頰輔。足見盈滿奄父祖。猜忍溢顏知普光。應寫養髮髮已長。次列髻童見薄福。墮馬未必由冤魄。又次丈夫何雄偉。卻是東山茶博士。曾把碗匙換弓箭。海內真如鼎沸起。嗚呼自古不可貌取人。况乃隆替由於心。僥使祖孫易位設。興家敗家錯認真。偽定一時已九死。持逆犯順事倍難。奈何子孫生則逸。自謂在胎已將軍。一薨糜費六十萬。將怨歸己權歸臣。十個木偶亦金鏡。歷歷往事炯萬春。五葉么麼何足錄。還將虛器鬪骨肉。歷世

積惡酬汝曹。家宰陪奴皆作賊。身且不保像何有。可憐猶
得列其側。此亦欲作而未果者。中間歷敘處。頗用飲
中八僊韻法。唯彼通一韻。此換五次耳。

觀嚴鳴神庫詩并序

辛卯孟冬十八日。奉母詣嚴鳴。因祠官佐伯子幹得
觀神庫所藏古物。遂命舟同醉歸館。次第二十八韻
以紀即日之事。且以謝子幹。

窟宇驚鰲頭。玲瓏疑乾闥。神庫依絕境。祕藏千古物。海龍
所呵護。相戒慎鑰鑰。世守吾所知。黃緣恣覽閱。慈經平族
寫。繭紙字楷栗。鼎軸金籤題。銅函卷弄八。標罽錯繪圖。隱
謎難辨詰。驕汰均兒女。佞媚憑神佛。威權消雪冰。痕迹存

墨筆。平族所納法華經。每卷
引首画。所謂蘆手書者。痛哉養和帝。紉衣蜀錦纈。託

胎狼虎家。葬骨蛟鼉窟。獨欽小松公。輕甲遺浴鐵。應擢待

賢門。免受壇浦戩。有內府遺甲。世代遞遷移。芳臭駢陳列。

仁山納寶刃。桐菊飾其室。憶獲廢皇詔。錦旗遂犯闕。足利

至此地。得光嚴詔。乃樹錦旗。東犯。阿隆獻犀鏡。綠縞綴玄札。何知賊刃刺。

空恃防身密。大內氏所獻甲。最鮮明工緻。更見劍雌雄。鑄具鞞鞞秘。劍

首認徽號。三玉冒畫一。江公斃賊時。或淬鯨鯢血。義舉神

所右。赫赫如前日。毛利元就雙劍。克陶賊時。獻以賽神。最後一長刀。獻者諱

秀吉。一揮掃蜻蜒。再揮指溟渤。鵠首繫厝廊。默禱吞日沒。

大閤佩刀。伐人事變雲煙。神山長截薛。大息辭寒階。命舟

緣岸樾同醉談今古夕陽金尊凸。

奉母游嚴鳴聞余生甫二歲二親挈之省大父遂詣

此

幾回歸覲在江城仙鳴唯看黛色橫松漏朝暉沙半濕維

舟今日掖親行

抱我爺娘下海船當時襁負拜龕前白頭母子重來詣存

沒茫茫五十年

承緒東役不在題其齋壁二首

劍書官邸遠霜雪故園疲于役勞君事言歸慰母心談依

東路信酒向北堂斟剝栗還煨芋盤殮弱婦任

看家畱大姪學語長童孫卸擔方虛室安眠信故園書經
見父澤餐飯思君恩眼看舊栽樹風驚黃葉繁

列母

強舍行杯拜訣還寧能仰視阿娘顏萬端心緒憑誰語付

與潮聲櫓響聞

舟發廣鳴抵尾路三首

同舟有宮原
士淵尾路人

客恨憑帆影鄉心寄櫓聲落日枌榆隔遙山讚豫橫漁村

相國塔海樹金吾城幾度勞來往何知白髮生

呼漁鱗鬣活趁泊柁檣齊餐熟岸潮落酒醒窻日西飄零

羞婦子利濟念黔黎聞得鄰船語三津米價低

帆力潮爭勝船頭山亂過吾行不寂寞汝在同吟哦書卷
囊繙碧匏尊面共酌方知近家喜奈遠我鄉何

戲作三絃詞并序

李竹嬾蔣心餘皆有三絃歌曲盡聲狀無復可措手
但游戲題目有似費詞又嫌多駢語余今用短用散
雖拙亦或換面辛卯仲冬七日在元吉別莊出家姬
佐酒縱談及此元吉欲我作一歌即夜酒罷不寐就
枕頭成之

誰把琵琶斷一絲纖指擷處皆琴徽春夢將驚夢中語打
起黃鶯帶聲飛織女急梭天機窄鮫人彈淚海珠落銜枚

唯聞鏡相觸萬戈鬪亂沙無跡絲肉既離尋別緒恰如曉
風滴殘雨記得江樓燈冷酒醒處不辨肉聲聞絲語

胡弓詞

弦挂毵毵是何弓弓代象撥生別腔文姬瑟觸胡馬尾不
在十八拍調中是絲如竹又如肉玉匙頭蹙紫檀腹蟬在
手中悶猶嘶春蚓出蟄聲透泥絃撥相避互有情嘔軋欲
奪歌喉傾誰知阿瞞持弓或右手左撚羽箭作鴟鳴
別駕眼如電左手挂弓橫
撚箭明皇像有如此者云

三石感懷作拗律

泥乾阪路尚陰氛忍凍輿中手欲戰北風吹雨還成雪朝

日穿煙不作雲地形抗塞山陽道兵勢分明建武軍誰知
忠孝關人意到眼熊峰淚法注

路上書懷

牽裾叩馬姓名馨肉食誰傳舊典刑奕葉東風胡蝶夢山
河如此付螟蛉

播州路上

轎簾掀不已裘被護風寒月讓霜鋪地震擣日出山丁夫
隣白首仰飲共酩顏四體遺勞事農功意尚關

仁壽山水軒卽事

護檻疎松露碧漪朝暉倒射讀書幃一聲撲漉知何物俯

看爭魚鷺鷓飛

題畫

睡鴨夢難成寒江冰鎖水數振雙翼雪片片來不止

又

暑行方卸鞍呼僕飲吾馬渴叻赴槽泉噴珠亂自灑

辛卯仲冬過仁壽山巒時白水大夫在東邸令郎子

魚居寮中作此呈子魚兼寄大夫十二韻

山巒初下轎舊識吏虔迎松檟知逾茂軒窗覺更明廚人
諳我嗜膳味等君羹愧辱慙慙遇無酬宿昔情吾心憂跋
涉乃志育我菁來往常靡鹽暴寒寧有萌孫僑論學製葛

亮誠研精喜此芝蘭長堪期緒業成父風能下士子胄卜
安眠恐眩裘茸說難任柱石擎於經識大者其事殊諸生
他日贊長策及今親短檠詩書養根本橋梓曼滋榮質向
歸旛日當知此語誠

山校與管野高橋二子夜坐

講帷客漸散相留共燈燭夜闌更煮茗波濤起鼎腹英髦
豈無多不若故交熟細談廿年前其事在心目趨庭教同
受御車游追逐老成久已逝我髮亦各自相勉追典刑心
長歲月蹙

八攝

凍雨連南海寒雲失攝山如何歲月暮猶在道途閒生理
老妻手別愁慈母顏泥淡武州墓下轎淚潛潛

又

念家寧憚路程脩還到山陽欲盡頭嶺雪遙明河內地人
煙漸密攝津州市聲忙覺窮陰日米價低知列國秋老母
在鄉兒在役歸來吾未廢閑愁

到坂晤承弼

未見妻兒面覲君同此歡到家隔一夕來書審平安信宿
盡咲語奴婢皆慣看開囊出吟草蕪穢借芟刪獨雄伴群
雌何以鞭駑頑與君相切劘垂老猶革顏未執何必說道

義夙所難

到京

夜乘浪華船朝著伏水磯寒日破朝霧郊樹塔參差廿年
寄家室自忘是天涯旬前發書報歸期家豫知喜到楊柳
店來迎九齡兒薄遊今幾日髻髮已垂垂憶我如渠年迎
爺自役歸飄蕩不報德西望長歎唏

題畫

雲煙潏勃初收雨水墨清華未歷霜一派墨心傳那處依
稀當日老香光
海鼠腸

無牙萬鼠還生翼聲價飛騰去向唐畱得九迴腸在此一
迴併得一杯長

送舍公西歸二首

吾還君往奈君何熟路佳期千里差記取黍州霜曉處與
君停轎折梅花

一日三秋更奈何囑君莫使後期差從今節物誰俱看閱
自梅花到菊花

贛齋小飲時春琴新歸自越分得山字

梅花映酒燭光闌談咲逢君自北還臘雪壓檐天若墨茫
茫何處越中山

除夕寄協

故園鶴髮又加年
鴨水霞關竝各天
三處相思汝尤遠
寒燈應獨不成眠

自謝

一更三刻更奈何
臥觀雲莫與
對臘是幾令
清妙非則意
閱

吾夢

臥觀雲莫與
對臘是幾令
清妙非則意
閱

吾夢臥觀雲
莫與對臘是
幾令清妙非
則意閱

吾夢臥觀雲

山陽遺稿卷之六

墨 則衆觀去
向曹曹長
大野野
一

